



速古兒赤

十一頁

達魯花赤

十四頁四頁

李木魯

十九頁

成吉里

道 詳穩

二十一頁

忽哥

十三頁

納失

十四頁三頁

賽甫丁

二十一頁

怯憐

十三頁二頁

折底放良

查

雙搭

唐制前二行低二板寫

自晉謹按唐六典為善內下中書三省之後據載祕書殿中內侍三省稱為六省杜佑作通典政祕書殿中兩省為監次以內侍省並列於諸卿竊惟周官有宮正官伯內宰官人內小臣閹人寺人之職悉統於冢宰官正乃總領宿衛之官官伯副之秦之郎中令漢之光祿勳即其遺制其六寢六宮之奄寺內監不過十九人而內小臣之得稱為士者止四人而漢內官猶存選明經之士如楊雄位執戟孔安國掌節唾壺是也東京而後乃悉用奄人唐代因之預社稷之謀操軍國之柄霍璠相尋

如前一級治五

龍任中消自教口增權任尤重

二不竊其魁在區非過三仗考官官備滿掃之儀

相治已夫夫成周命官之本意今是書秩品仰

聖訓釐定刑去官官而內侍省一門仍按歷代史

職官九九字刪

續通典

職官九

諸卿下

內侍省

內侍 內常侍 內給事 內謁者監
內寺伯 掖庭局 宮闈局 奚官局
內僕局 內府局

卷三十一

唐制內侍省監二人少監二人掌內侍奉宣制令皇后親蠶則升壇執儀大駕出入為夾引宋制入內內侍省內侍省建隆時有內班院淳化五年改為黃門又改為內侍省入內內侍省與內侍省號為前後省而入內省

尤為親近。通侍禁中。役服褻近者。隸入內侍省。拱侍殿中。備灑掃之職。役使雜品者。隸內侍省。入內侍省。有都都知。都知。副都知。押班。內東頭供奉官。內西頭供奉官。內侍殿頭。內侍高品。內侍高班。內侍黃門。內侍省有左班都知。副都知。右班都知。副都知。押班。內東頭供奉官。內西頭供奉官。內侍殿頭。內侍高品。內侍高班。內侍黃門。侍黃門。其官稱。又有內客省使。延福宮使。宣政使。宣慶使。昭宣使。政和二年。以通侍大夫易內客省使。正侍大夫易延福宮使。中侍大夫易景福殿使。中亮大夫易宣

慶使。中衛大夫易宣政使。拱衛大夫易昭宣使。供奉官易內東頭供奉官。左侍禁易內西頭供奉官。右侍禁易內侍殿頭。左班殿直易內侍高品。右班殿直易內侍高班。而黃門之名如故。遼內省有內省使。內省副使。內藏庫提點。內侍省有黃門令。內謁者。內侍省押班。內侍左廂押班。內侍右廂押班。契丹漢兒渤海內侍都知。左承宣使。右承宣使。金內侍省俱屬宣徽院。元內廷近侍之事。俱掌于侍正府。詳見殿中監明置十二監。司禮監。內官監。御馬監。神宮監。尚膳監。尚寶監。惜薪司。鐘鼓司。印綬監。直殿監。尚衣監。都知監。四司。寶鈔司。混堂司。八

施設改司設

局兵仗局浣衣局銀作局巾帽局其餘又有內府供

用庫司鑰庫內承運庫甲字乙字丙字丁字戊字承運

廣盈廣惠贓罰御酒房御藥房御茶房牲口房刻漏房

更鼓房甜食房彈子房靈臺條作監甲廠安民廠皇城

京城及內外各宮門提督東廠提督西廠提督京營文

書房禮儀房中書房御前近侍等職皆設長貳其外則

守備織造鎮守市舶監督倉場諸陵神宮監監軍採辦

糧稅礦關等使紛不可紀諸宦官內惟司禮監位最尊

而權重其寵任專者率由別監陞司禮監職批紅者權

同元輔馬洪武時帝嘗謂侍臣曰朕觀周禮奄寺不及

百中給使非惡者常有委任母令過多又言此曹善者千

心腹則檢束有腹病馭之若道在使之畏法不可使有功用為

法則檢束有腹病馭之若道在使之畏法不可使有功用為

事立斤之終其身不名因定制內侍事毋許識字洪武十

七年鑄鐵牌文曰內臣不得干預政事犯者斬置宮門

中又勅諸司毋得與內官監文移往來然二十五年命

聶慶童往河州勅諭馬中官奉使行事已自此始成

祖亦嘗云朕一遵太祖訓無御寶文書即一軍一民中

官不得擅調發有私役應天工匠者立命錦衣速治顧

中官四出實始永樂時元年李興等齋勅勞暹羅國王

此奉使外國之始也三年命鄭和等率兵二萬行賞西

洋古里滿刺諸國此將兵之始也八年勅王安等監都

督譚青等軍馬靖巡視甘肅此監軍巡視之始也及洪

熙元年以鄭和領下番官軍守備南京遂相沿不改設

王安鎮守甘肅而各省鎮皆設鎮守矣宣德四年特設

有內省使內省副使及九
字刪改內侍省有接
黃門
六行又有加掌印太監
二人

文書房命大學士陳七專授小內使書而太祖不許識
字讀書之制由此而廢賜王璿金英印記則與諸密勿
大臣同賜金著范宏等免死詔則又無異勳臣之鐵券
也英之王振憲之汪直武之劉瑾熹之魏忠賢太阿倒
握威福下移神宗礦稅之使無一方不罹厥害其他怙
勢薰灼不可勝紀而蔭弟蔭姪封伯封公則撓官制之
大者莊烈帝初剪大慈中外頌聖既而鎮守出征督
餉坐營等事無一不命中官為之而明亦遂亡矣

內侍唐置四人掌奉宣制令遼有內省使內省副使及
黃門令明司禮監提督太監一人又有秉筆太監隨堂
太監書籍名畫等庫掌司內書堂掌司六科廊掌司典
簿無定員提督掌督理皇城內一應儀禮刑名及鈐束
長隨當差聽事各役關防門禁催督光祿供應等事掌

印掌理內外章奏及御前勅合秉筆隨堂堂章奏文書
照閣票批硃掌司各掌所司典簿典記奏章及諸出納
號簿宦官之有權而職重者也 內常侍唐制六人通
判省事金有中常侍 內給事唐置十人掌承旨勞問
分判省事遼有內侍省左承宣使右承宣使金有給事
中 內謁者監唐置十人掌儀法宣奏承勅令及外命
婦名帳凡諸親命婦朝會者籍其數上內侍省遼內侍
省有內謁者金內侍省有內謁者 內寺伯唐置六人
掌糾察宮內不法宋置內東門司勾當官四人掌宮禁

金下加亦刪內侍省

人物出入周知其名數而譏察之。掖庭局唐置令二人。丞三人。掌宮人簿帳女工。凡宮人名籍司其除附公桑養蠶會其課業供奉物皆取焉。宮闈局掌侍宮闈出入管籥金置宮闈局設提點使副使掌宮中閣門之禁。明設午門東華門西華門奉天門元武門左右順門左右紅門。皇宮門坤寧門宮左右門東宮春和門後門左右門皇城京城內外諸門各設門正一員管事無定員。司晨昏啟閉關防出入。奚官局唐置令二人。丞二人。掌奚隸工役宮官之品。宮人病則給醫藥死給衣服。

明浣衣局掌印太監一人。僉書監工無定員。掌凡宮人年老及罷退廢者發此局居住。內僕局唐置令二人。丞二人。掌中宮車乘。遼有內侍省押班。內侍左廂押班。內侍右廂押班。明司設監掌印太監一人。總理管理僉書典簿。掌司寫字監工無定員。掌鹵簿儀仗帷幙諸事。御馬監掌印太監一人。騰驤四衛營各設監官。掌司典簿寫字。拏馬等員。象房有掌司等員。內府局唐置令二人。丞二人。掌中藏寶貨給納之數及供燈燭湯沐。張設凡朝會五品以上及有功將士。蕃酋辭還皆賜於庭。

庫使下加湯藥局有都提
點勾當官

宋龍圖天章寶文閣勾當四人。掌藏祖宗文章圖籍及符瑞寶玩之物。遼內侍省內庫有都提點內庫。尚衣庫有尚衣庫使。金內藏庫有使。副使。掌內府金寶財物。率隨庫都監等供奉其事。明內官監掌印太監一人。總理管理僉書典簿。掌司寫字監工無定員。掌木石瓦土塔材東行西行油漆婚禮火藥十作及米鹽庫營造庫皇壇庫。凡國家營造宮室陵墓并銅錫粧奩器用暨冰窖諸事。御用監掌印太監一人。裏外監把總二人。典簿掌司寫字監工無定員。凡御前所用圍屏牀榻諸木器及

紫檀象牙烏木螺甸諸玩器皆造辦之。又有仁智殿監工一人。掌武英殿中書承旨所寫書籍畫冊等。奏進御前。神宮監掌印太監一人。僉書掌司管理無定員。掌太廟各廟灑掃香燈等事。尚膳監掌印太監一人。提督光祿太監一人。總理一人。管理僉書掌司寫字監工及各牛羊等房廠監工無定員。掌御膳及宮內食用并筵宴諸事。尚寶監掌印一人。僉書掌司無定員。掌寶璽敕符將軍印信。印綬監掌印一人。僉書掌司無定員。掌古今通集庫并鐵券誥勅貼黃印信。勘合符驗信符諸事。直

殿監掌印一人。僉書掌司無定員。掌各殿及廊廡掃除之事。尚衣監掌印太監一人。管理僉書掌司監工無定員。掌御用冠冕袍服及屨舄靴鞮之事。都知監掌印太監一人。僉書掌司長隨奉御無定員。隨駕前導警蹕。惜薪司掌印太監一人。總理僉書掌道掌司寫字監工及外廠北廠南廠新南廠新西廠各設僉書監工俱無定員。掌所用薪炭之事。鐘鼓司掌印太監一人。僉書司房學藝官無定員。掌管出朝鐘鼓及內樂傳奇過錦打稻諸雜戲寶鈔司掌印太監一人。僉書管理監工無定員。

掌造粗細草紙混堂司掌印太監一人。僉書監工無定員。掌沐浴之事。兵仗局掌印太監一人。提督軍器庫太監一人。管理僉書掌司寫字監工無定員。掌製造軍器火藥司屬之銀作局掌印太監一人。管理僉書寫字監工無定員。掌打造金銀器飾巾帽局掌印太監一人。管理僉書掌司監工無定員。掌宮內使帽靴駙馬冠靴及藩王之國諸旗尉帽靴鍼工局掌印太監一人。管理僉書掌司監工無定員。掌造宮中衣服內織染局掌印太監一人。管理僉書掌司監工無定員。掌染造御用及宮

內應用緞疋酒醋麩局掌印太監一人管理僉書掌司
監子無定員掌宮中食用酒醋糖醬麩豆諸物司苑局
掌印太監一人管理僉書掌司監子無定員掌蔬菜瓜
菓內府供用庫掌印太監一人總理管理掌司寫字監
子無定員掌宮內及山陵等處內官食米及御用黃蠟
白蠟沉香等香司鑰庫掌印太監一人總理管理掌司
寫字監子無定員掌收貯制錢以給賞賜內承運庫掌
印太監一人近侍僉書太監十人掌司寫字監子無定
員掌大內庫藏凡金銀及諸寶貨總隸之十庫甲字掌

藤改藤

庫一人貼庫僉書無定員掌貯銀硃黃丹烏梅藤黃水
銀諸物乙字掌庫一人貼庫僉書無定員掌貯奏本等
紙及各省所解胖襖丙字掌庫一人貼庫僉書無定員
掌貯絲綿布疋丁字掌庫一人貼庫僉書無定員掌貯
生漆桐油等物戊字掌庫一人貼庫僉書無定員掌貯
所解弓箭盔甲等物承運掌庫一人貼庫僉書無定員
掌貯黃白生絹廣寧掌庫一人貼庫僉書無定員掌貯
紗羅諸帛疋廣惠掌庫一人貼庫僉書無定員掌造
貯巾帕梳籠刷抵錢貫鈔錠之類贓罰掌庫一人貼

廣寧改廣盈

入殿改直殿

庫僉書無定員。掌沒入官物。御酒房提督太監一人。僉書無定員。掌造御用酒。御藥房提督太監正副二人。分兩班。近侍醫官無定員。職掌御用藥餌。與太醫院官相表裏。御茶房提督太監正副二人。分兩班。近侍無定員。職司供奉茶酒瓜果。及進御膳牲口。房提督太監一人。僉書無定員。收養異獸珍禽。刻漏房掌房一員。僉書無定員。掌管每日時刻。每一時即令入殿監官入宮換牌。夜報刻水更鼓房。以有罪內官職司之。甜食房掌房一員。協同無定員。掌造辦虎眼窩絲等糖。及諸甜食。彈子

諸條下加綴

房掌房一員。僉書數員。專備泥彈。靈臺掌印太監一人。僉書近侍看時近侍無定員。掌觀星氣雲物。測候災祥。條作掌作一人。協同無定員。掌造各色兜羅絨。及諸條。盛甲廠掌廠太監一人。貼廠僉書無定員。掌造軍器。安民廠掌廠太監一人。貼廠僉書無定員。掌造銃砲火藥之類。

少府監

少監

丞

主簿

中尚左尚右尚

織

染 掌治等署

暴室等丞

唐制少府監一人。少監二人。掌百工技巧之政。總中尚左尚右尚織染掌冶五署。及諸冶鑄錢互市等監。供天

子器御后妃服飾及郊廟圭玉首官儀物凡武庫袍襦
皆識其輕重乃藏之冬至元日以給衛士諸州市牛皮
角以供用牧畜角筋腦草悉輸馬細縷之工教以四年
車路樂器之工三年平漫刀稍之工二年矢鏃竹漆屈
柳之工半馬冠冕弁幘之工九月教作者傳家技四季
以令丞試之歲終以監試之皆物勒工名宋初置判監
事一人以朝官充凡進御器玩后妃服飾雕文錯綵工
巧之事分隸文思院後苑造作所本監但掌造門戟神
衣旌節郊廟諸壇祭玉法物鑄牌印諸記百官拜表案

褥之事凡祭祀則供祭器爵瓚照燭元豐官制行始置
監一人掌百工技巧之政令少監為之貳凡乘輿服御
寶冊符印旌節度量權衡之制與夫祭祀朝會展采備
物皆率其屬以供焉庀其工徒察其程課作止勞逸及
寒暑早晚之節視將作匠法物勒工名以法式察其良
窳凡金玉犀象羽毛齒草膠漆材竹辨其名物而頒其
制度事當損益則審其可否議定以聞遼南面官亦有
少府監金少府監有監少監掌邦國百工營造之事尚
方織染文思裁造文繡等署隸焉元以大都留守司兼

知少府監事。皇慶元年別置少府監。延祐七年罷少府監。復以留守兼監事。其大都留守五人。同知二人。副留守二人。判官二人。其屬經歷一人。都事二人。管勾承發架閣庫一人。照磨兼覆料官一人。部役官兼壕寨一人。掌守衛宮闕都城。調度本路供億諸務。兼理營繕內府諸邸都宮原廟。尚方車服。殿廡供帳。內苑花木及行幸湯沐宴遊之所。門禁關鑰啓閉之事。明不設少府監。皆總於工部。丞唐置六人。掌判監事。給五署所需金石齒草羽毛竹木所入之物。各以名數州土為籍。工役衆

寡難易有等差而均其勞逸。宋置一人。叅領監事。

太平興國

中呂文仲為少府監丞。預修太平御覽。廣輿記。文苑英華諸書。

金置二人。

主簿唐置

二人。宋置一人。

中尚署唐置一人。丞二人。掌供郊

祀圭璧及天子器玩。后妃服飾。雕文錯綵之制。凡金木齒草羽毛。任土以時而供。赦日樹金雞於仗南。竿長七丈。有雞高四尺。黃金飾首。銜絳幡長七尺。承以綵盤。維以絳繩。將作監供馬。擊柝鼓千聲。集百官父老囚徒坊小兒得雞首者。官以錢購。或取絳幡而已。歲二月獻牙尺。寒食獻毬。五月獻綬帶。夏至獻雷車。七月獻細針臘。

日獻口脂唯筆琴瑟絃月獻金銀暨紙非旨不獻製魚袋以給百官蕃客賜寶鈿帶魚袋則授鴻臚寺宋文思院掌造金銀犀玉工巧之物金采繪素裝鈿之飾以供輿輦冊寶法物凡器服之用裁造院掌裁製服飾又南郊祭器庫監官二人太廟祭器庫監官二人掌祠祭器服之名物各有專典旌節官二人鑄印篆文官二人諸州鑄錢監監官一人金圖書署有令丞直長等官掌圖畫鏤金裁造署有令丞直長等官掌造龍鳳車具亭帳鋪陳諸物宮中隨位床榻屏風簾額條結等及陵廟諸物

隸屬下加注官職互見衛尉司尚舍局各門守官署及殿中監
設監卿之用刪
章佩監下加亦字

并省臺部內所用物元別置中尚監無所隸屬設監卿八人太監二人少監二人監丞二人領資成庫擅作供內府陳設帳房帶幕車輿雨衣之用又別置章佩監無所隸屬設監卿五人太監四人少監二人監丞二人掌宦者速古兒赤所收御服寶帶其屬御帶庫提點三人大使三人副使二人掌繫腰偏束等帶併條環諸物供奉御用以備賜予異珍庫提點三人大使三人副使二人掌御用珍寶后妃公主首飾寶貝左尚署唐置令一人丞五人掌供翟扇蓋繖五路五副七輦十二車及

皇太后皇太子公主王妃內外命婦王公之車路凡畫素刻鏤與宮中蠟炬雜作皆領之金尚方署有令丞直長等官掌造金銀器物亭帳車輿牀榻簾席鞍轡傘扇及裝釘之事文思署有令丞直長等官掌造內外局分印合傘浮圖金銀等尚輦儀鸞局車具亭帳之物文繡署有令丞直長等官掌繡造御用及妃嬪等服飾燭籠照道花卉元大都留守司所屬有器物局設大使一人副使一人直長二人吏目一人掌御用各位下鞍轡忽哥轎子帳房車輛金寶器物凡精巧之藝雜作匠戶皆

隸焉 右尚署唐制令二人丞四人掌供十二閑馬之

轡每歲取於京兆河南府加飾乃進凡五品三部之帳

刀劍斧鉞甲冑紙筆茵席履舄皆擬其用皮毛之工亦

領焉宋鞍轡庫掌御用鞍勒屬太僕寺詳見太僕寺金殿前點檢

司所屬有器物局設提點使副使直長都監同監等官

掌進御器械鞍轡諸物不隸少府監元御用鞍轡諸物

掌於尚乘寺詳見太僕寺織染署唐置令一人丞二人掌

供冠冕組綬及織絳色染錦羅紗縠綾紬純絹布皆廣

尺有八寸四丈為疋布五丈為端錦六兩為屯絲五兩

元下加將作院所屬有異樣
文繡提舉司提舉一人同提
舉一人副提舉一人綾錦織
染提舉司糾羅提舉司
設官並同紗金類料提庫
大使一人副使一人徽政院所
屬有織染局局使一人副使
一人相副官一人隨路諸色人
匠都總管府所屬染局局使
一人副使一人接管領

為絢麻三斤為絛凡綾錦文織禁示於外高品一人專
莅之歲奏用度及所織每掖庭經錦則給酒羊七月七
日祭杼宋染院掌染絲帛幣帛文繡院掌纂繡以供乘
輿服御及賓客祭祀之用金織染署有令丞直長等官
掌織絳色絲諸供御及宮中錦綺幣帛紗縠元管領本
投下大都等路怯憐口民匠總管府所屬有織染提舉
司提舉一人同提舉一人副提舉一人都目一人掌織
造緞疋管領諸路怯憐口民匠都總管府所屬有織染
局設大使副使相副官各一人掌織染之事江淮等處

建康織染局下有大使之
各一人刪
黃池織染局下有大使之
各一人刪
昭功上加設官並同

織染局下大使一人刪
綾錦局下大使一人刪
紋錦局下改各設大使一人
副使一人

財賦都總管府所屬杭州織染局有大使副使相副官
各一人建康織染局有大使副使相副官各一人黃池
織染局有大使副使相副官各一人昭功萬戶都總使
司所屬有織染雜造人匠都總管府達魯花赤一人總
管一人同知一人副總管二人經歷知事提控案牘照
磨各一人專管領織染緞疋匠人其屬有織染局大使
副使各一人綾錦局大使副使各一人紋錦局大使副
使各一人中山局管領教習織造大使副使各一人真
定局掌織染造作大使副使各一人弘州尋麻林納失

供用庫下加繕工司屬大都
織染提舉司提舉同提舉
副提舉各二人

成錦局下達魯之人刪加
異錦局上用織染局下
達魯之人刪加設官並同

明內上加其属于工部者不
可備載

范改范

失局各設大使一人副使一人至元十五年招叔析居放
良等戶教習人匠織造納
夫失於弘州募麻林二處置局大名織染雜造兩提舉司各設提舉同
提舉副提舉一人供用庫大使副使各一人初為綾錦
總庫至元二十一年改為供用庫管領保定織染局達
魯花赤提舉同提舉副提舉各一人管領涿州成錦局
達魯花赤提舉同提舉副提舉各一人管領上用織染
局提舉同提舉副提舉各一人管領大都涿州織染提
舉司達魯花赤提舉各一人明內織染局掌於宦官詳見
內侍其織染所雜造局大使一人副使一人屬工部

掌冶署唐置令一人丞二人掌范鎔金銀銅鐵及塗飾
琉璃玉作銅鐵人得採而官收以稅唯鑞官市邊州不
置鐵冶器用所須皆官供凡諸冶成器上數於少府然
後給之宋場冶之事掌於工部虞部郎中員外郎詳見
工部
遼北面官五治官有太師元中政院所屬金銀場提領
所凡七所梁家寨銀場明世銀場密務銀場寶山
銀場燒炭峪銀場胡寶峪金場七寶山砮炭場各設
提領同提領副提領各一人鐵冶管勾所凡二處各設
管勾同管勾副管勾各一人隨路諸色人匠都總管府
所屬鐵局大使一人副使一人大都留守司鐵局提領

鐵局上加銅局提領二人同
提領一人管勾一人

等署下加百工等監

三人管勾三人提控一人明場治掌於工部虞衡司詳見

部工暴室丞海丞果丞唐時已無宋遼金元明皆無

將作監丞主簿左校署右校署甄官署

唐制將作監監一人少監二人掌土木工匠之政總左

校右校中校甄官等署太明興慶上陽宮中書門下六

軍仗舍閑廐謂之內作郊廟城門省寺臺監十六衛東

宮王府諸廨謂之外作自十月距二月休治功自冬至

距九月休土功凡治宮廟太常擇日以聞宋初制判監

事一人以朝官以上充凡土木工匠之政京都繕修隸

之事上加營繕

三司修造案本監但掌祠祀之事元豐官制行始置監

一人少監一人監掌宮室城郭橋梁舟車之事少監為

之貳遼南面官將作監有太監少監等官金不設將作

監有修內司有使副使等官掌宮中營造之事兵匠一

五人兵夫二千仍直長二人部役官二人掌監督工

命少府監長官提控役受給官二人掌支納諸物都城所有提舉同提舉等

官掌修完廟社及城隍門鑰百司公廨係官舍屋并栽

植樹木工役等事左右廂官各二人掌監督工役受給

官二人掌支納諸物及埏埴等事祇應司有提點令丞

兼字刪

直長等官掌給宮中諸色工作覆實司管勾一人掌覆
實營造材物工匠價直等事屬工部元將作院置院使
七人同知二人同僉二人院判二人經歷一人都事一
人照磨管勾一人掌成造金玉珠翠犀象寶貝冠佩器
具織造刺繡段疋紗羅異樣百色造作銜號同而職掌
與古異焉其昭功萬戶都總使司所屬有繕工司卿一
人少卿二人丞二人經歷知事照磨兼提控案牘管勾
兼承發架閣各一人掌人匠營造之事大都留守司所
屬有大木局提領七人管勾三人掌殿閣營繕之事小

大都留守司所屬有下加
修內司提點二人大使一人副使
二人直長二人吏目照磨各二人
部役七人司吏六人掌修造
宮殿及大都造作等事領工
匠千二百七十有二人
上頁大木之五行祇應上管勾
二人刪

木局提領二人同提領一人副提領三人管勾二人提
控四人泥厦局提領八人管勾二人祇應司大使一人
副使一人直長三人吏目一人掌內府及諸王邸第異
巧工作修禳應辦寺觀營繕領工匠七百戶上都留守
所屬修內司大使一人副使三人直長三人掌營修內
府之事祇應司大使一人副使二人直長三人掌粧鑾
油染裱褙之事明宮殿陵寢城郭壇場祠廟解宇營房
王府邸第之役掌於工部營繕司詳見工部不設將作監
丞唐置四人掌判監事凡外營繕大事則聽制勅小事

則須省符。宋置二人。元祐八年詔本監營造檢計畢長

貳隨事給限丞覆檢之。宋制進士解褐授將作監丞如李迪舉進士第一授將作監丞

王曾試禮部廷對皆第一以將作監丞通判淄州也遼將作

監有監丞。主簿。唐置二人。宋置二人。元祐八年詔與

丞共覆檢本監營造事。天聖中唐詢以父任為主簿時詔許天下士獻文章應詔者百

數有司第其善者唯詢數人而已詔賜進士及第遼將

又范諷以廕補主簿。獻東封賦。遷太常寺奉禮郎。作監亦有主簿。左校署。唐置令二人。丞一人。掌工匠

之事。樂縣。築。簾。兵。械。喪。葬。儀。物。皆。供。焉。宮。室。之。制。自。天

子。至。士。庶。有。等。差。凡。官。修。者。左。校。為。之。宋。修。內。司。掌。宮

城太廟繕修之事。東西八作司。掌京城內外繕修之事。

竹木務。掌修諸路水運材植及抽算諸河商販竹木以

給內外營造之用。事材場。掌計度材物。前期撲斫以給

內外營造之用。作坊物料庫。第三界。掌儲積材物以備

給用。退材場。掌受京城內外退棄材物。掄其長短有差

其曲直。中度者以給營造。餘備薪爨。簾箔場。掌抽算竹

木蒲葦。以供簾箔內外之用。右校署。唐置令二人。丞

三人。掌版築塗泥丹堊。區厠之事。有所須則審其多少

而市之。宋。麥。麩。場。掌。受。京。畿。諸。縣。夏。租。麩。麩。以。給。巧。墁

之用。下加元修內司所屬有大木局提領七人。管勾三人。掌事殿閣營繕之事。小木局提領二人。同提領二人。副提領三人。管勾二人。提控四人。竹木局提領二人。提控二人。繩局提領二人。木場提領一人。大使一人。副使一人。受給營造宮殿材木。

留守司下加修內司所屬泥
厦局提領八人管勾二人祇應
司

顏料下加上都採山提領所
提領二人副提領二人提控
一人掌採伐材木鍊石為灰

之用丹粉所掌燒變丹粉以供繪飾元大都留守司所
屬油漆局提領五人同提領一人副提領一人掌兩都
宮殿髹漆之工畫局提領五人管勾一人掌諸殿宇藻
繪之工銷金局提領一人管勾一人掌諸殿宇裝蓋之
工裱褙局提領一人掌諸殿宇裝潢之工燒紅局提領
一人掌諸殿宇所用心紅顏料明顏料局大使一人屬
工部中校署唐置令一人丞三人掌供舟車兵械雜
器行幸陳設則供竿柱閑廐繫秣則供行槽禱祀則供
棘葛內外營作所須皆取焉宋舟車之事掌於工部水

元大都之木植刪

部詳見工部金上林署有提點令丞直長等官掌承奉行幸

舟船之事屬工部元大都留守司所屬凡山採木提舉

司達魯花赤提舉各一人同提舉一人副提舉一人吏

目一人掌採伐車輛等雜作木植甄官署唐置令一

人丞二人掌琢石陶土宋密務掌陶為埴瓦以給營繕

及餅缶之器金甄官署有令丞直長等官掌劂石及埴

埴之事屬工部元大都留守司所屬大都四密場提領

一人大使一人副使一人領匠夫三百餘戶營造素白

琉璃磚瓦其南密場大使一人副使一人西密場大使

南密場西密場下大使二人
副使一人各刪
大使上各設

一人副使一人琉璃局大使一人副使一人明黑密廠
琉璃廠以陶瓦器屬工部虞衡司東園主章令漢時
之官唐已無宋遼金元明皆無

國子監

祭酒 司業 丞 主簿 國子博士
助教 太學 廣文 四門 律學 書
學 算學等博士

唐制國子監祭酒一人掌儒學訓導之政總國子太學
廣文四門律書算凡七學天子視學皇太子齒胄則講
義釋奠執經論議奏京文武七品以上觀禮凡授經以
周易尚書周禮儀禮禮記毛詩春秋左氏傳公羊傳穀

梁傳各為一經無習孝經論語老子歲終考學官訓導

殿最

元和韓愈拜國子祭酒奏儒生為學官日使會
講生徒奔走聽聞皆相喜曰韓公來為祭酒國子

監不寂寞矣又鄭覃以宰相無判國子祭酒奏太學置
五經博士各一人緣無職田請依王府官例賜祿廩從
之宋初置判監事二人以兩制或帶職朝官充凡監事

皆總之元豐官制行始置祭酒一人掌國子太學武學

律學小學之政令凡諸生之隸於太學者分三舍始入

學驗所隸州公據以試補中者充外舍齋長諭月書其

行藝於籍

行謂率教不戾規
規藝謂治經程文

季終考於學諭次學錄次

學正次博士然後考於長貳歲終校定具注於籍以俟

覆試視其校定之數參驗而序進之凡私試孟月經義
仲月論季月策公試初場以經義次場以論策試上舍
如省試法凡內舍行藝與所試之等俱優者為上舍上
等取旨命官一優一平為中以俟殿試一優一否或俱
平為下以俟省試唯國子生不預考選凡課試升黜教
導之事長貳皆總馬車駕幸學則率官屬諸生班迎即
行在距學百步亦如之凡釋奠於先聖先師及武成王
則率官屬諸生共薦獻之禮歲計所隸三舍生升降多
寡之數以為學官之殿最賞罰

宋初以崔頌判國子監
建隆三年夏始會生徒

講說帝遣中使以酒果賜之每臨幸國學召頌與語因
及經史頌應答無滯及郊祀以頌攝太僕升車執綏帝
問以一時典禮頌占對閑雅帝甚重之又邢昺為國子
祭酒景德二年上幸國子監閱庫書問昺經版幾何昺
曰國初不及四千今十餘萬斯儒者逢時之幸也上方
興起道術令昺與張雍杜鎬孫奭舉經術該博德行端
良者以廣學員又呂公著為祭酒所舉學官如王回吳
政姜潛張載皆一世大儒王存顧臨為元祐名臣常秩
吳中黃履朱臨盛僑亦顯於世

遼南面上京國子監太祖有祭酒中京

亦有國子監設官與上京同金國子監亦有祭酒元至

元初以許衡為集賢館大學士國子祭酒教國子與蒙

古大姓四集賽人員選七品以上朝官子孫為國子生

隨朝三品以上官得舉凡民之俊秀者入學為陪堂生

伴讀。至元二十四年始置監。設祭酒一人。屬集賢院。時
 久欲開太學。以許衡為資政殿大學士。無國子祭酒。衡
 聞命喜曰。此吾事也。國子太僕未散。視聽專一。若置
 之善類中。涵養數年。將必為國用。乃請徵其弟子王梓
 劉季偉。韓思永。耶律有尚。呂端善。姚燧。高凝。白棟。蘇郁
 姚燾。孫安。劉安中。十二人。詔驛召之。來京師。分處各齋。
 以為齋長。時所選弟子皆幼穉。衡待之如成人。愛之如
 子。出入進退。其嚴若君臣。其為教。因覺以明善。因明以
 開蔽。相其動息。以為張弛。課誦少暇。即習禮。或習書。算
 少者。則令習拜跪揖讓。進退應對。或射。或投壺。負者罰
 讀書若干遍。久之。諸生人人自得。下至童子。亦知三綱
 五常之道。又字魯紳。為國子祭酒。帝師至京。師有旨
 朝臣一品以下。皆乘白馬。郊迎。大臣伏進觴。帝師不
 為動。唯種舉觴立進。曰。帝師釋迦之徒。天下僧人師也。
 余孔子之徒。天下儒人師也。請各不為禮。帝師笑而起。
 舉觴卒飲。眾又蒙古國子監祭酒一人。屬蒙古翰林院。
 為之慄然。

延祐元年。又別置回回國子監。學屬翰林國史院。明國
 子監祭酒一人。掌國學諸生訓導之政令。凡舉人貢生
 官生。恩生。功生。例生。土官。外國生。幼勲。臣及勲戚大臣
 子弟之入監者。奉監規而訓課之。有不率者。扑以夏楚。
 不悛。徙謫之。其率教者。有升堂。積分超格。叙用之法。課
 業。倣書。季呈翰林院。考校文冊。歲終奏上。每歲仲春秋
 上丁。遣大臣祀先師。則總其禮儀。車駕幸學。則執經坐
 講。新進士釋褐。則坐而受拜。洪武時太學初成。中外歲
 貢生徒。日夥。適選。悞者掌
 之。師生相許。教尼不行。十六年。以文淵閣大學士宋訥
 為國子監祭酒。請於上。嚴立學規。諸生皆知敬畏。帝慮

自任下刪是時下加與
約東之世九字刪

功臣子弟有不服者命曹國公李文忠無領監事
由是貴胄肅然受教年八十卒於官帝自製文遣官致
祭其後歲辛未太學生有連舉大魁者帝思訥曰此宋
祭酒訓迪之功也凡諸生守官稱職者多出訥門帝每
舉訥為教國子者楷法又正統中李時勉為祭酒嚴毅
正大極意造就就人林初至今坐堂一月後乃散處於廂
房列格致誠正四號房有室者居外晨入饌堂讀
書俱朔望升堂其於四號房勵尤切夜讀書或自潛行以察
五鼓復令膳夫提鈴循號房喚起讀書或自潛行以察
勤惰無燈者令人暗記明責罰自是燈光達旦書聲
不歇學者感激競相勸勉諸生南京國子監祭酒一人
貧病者節縮餐錢力為贍給
時陳敬宗為南京祭酒以師道自任是時北監祭
酒李時勉約束諸生身教亦嚴世稱南陳北李
洪武
八年又置中都國子學命國子學分官領之十五年改
為國子監設祭酒司業監丞典簿博士助教學正學錄

掌饌等官二十六年罷之明初祭酒司業擇有學行者

任之後皆由翰林院官遷轉司業唐置二人歸崇中

為國子司業時皇太子欲以仲秋月行齒胄之禮崇敬
以為國學及官名不稱請改國子監為辟雍省又祭
酒之名非學官所宜按周禮師氏掌以義詔五教國子
請改為太師氏又司業禮記云樂正司業詔五教國子
樂官之長也今太學於義無所取請改司業則業是懸鐘磬
之右師詔下議者以為重難改作其事不行又陽城下
遷國子司業引諸生告之曰凡學者所以學為忠與孝
也諸生有久不省親者乎明日謁城還養者二十輩有
三年不歸侍者斥之簡孝秀德行升堂上酌酒不率教
者皆罷之躬講經籍宋置一人紹興時高閣為國子司
生徒斤斤皆有法度宋置一人紹興時高閣為國子司
經術帝曰士習詩賦已久遠能唐制用詩賦神宗始以
設太學唯講經而已國初猶循唐制用詩賦神宗始以

經術造士遂罷詩賦又慮不足以盡人材乃設詞學一
科今宜以經學為主而加詩賦帝然之問於是條具其
法以六經語孟義為一場詩賦次之史論時務遼國子
策又次之太學課試及郡國科舉皆以此為法

監有司業金亦有之元置二人蒙古國子監亦置二人

明置一人洪武中以吳源杜敷龔敷趙民望李祐俱召

國子監司業又王嘉會為國子監右司業時宋訥為祭

酒太學生常數千人嘉會與訥及左司業龔敷嚴立措

範三人者春秋已高鬚鬢鬻如正其衣冠旦夕端坐諸

生雲集階下肅然望而畏之以是士類率教多所造就

帝知其勞眷待殊厚蓋洪南京國子監司業一人丞

武時有左右兩司業也唐置一人掌判監事每歲七學生業成與司業祭酒莅
試登第者上於禮部宋置一人遼國子監有監丞金置

二人明昌二年增一人無提控女直學元置一人專領

監務蒙古國子監監丞一人明置一人洪武中張顯被

為國子學正秩滿陞監丞莅事公勤六館皆敬重之乃

條陳百務成法益備時北監初建唯司業貝泰署印教

尼不行朝議以顯素諳典章乃奏改北詔報可遂兼程

以往經理學舍勸懲淑慝百廢畢興輔泰所不逮泰舊

嘗為南監助教顯降意下之協恭和衷嚴申學規激厲

後進於是諸生數千人肅然敬服莫不以顯為能盡職

又慮數百畝舉鄉薦遷國子學錄勤於啟迪執經從遊者

普講祭酒耿裕待以賓禮進監丞事滿南京國子監監丞
一人主簿唐置一人掌印勾督監事七學生不率教
者舉而免之宋置一人時仁宗患縉紳奔競諭近臣曰

是宰相文彥博宋庠等言韓維好學嗜古安於靜退乞加甄錄以厚風俗乃除維為國子監主簿宋制國子監有書庫官以京朝官充掌經史羣書以備朝廷宣索賜予之用隆興間詔主簿兼書庫
遼國子監亦有主簿金無主簿有校勘掌校勘文字書寫官掌書寫實錄元置典簿一人明典簿亦一人典籍一人掌饌二人南京國子監典簿一人典籍一人掌饌一人國子博士唐置五人掌教三品以上及國公子孫從二品以上曾孫為生者五分其經以為業周禮儀禮禮記毛詩春秋左氏傳各六十人暇則習隸書國語說文字林三倉爾雅每歲通兩經求仕者上於監秀才進士亦如

遼國子下加監字

之學生以長幼為序習正業之外教吉凶之禮公私有事則相儀五經博士各二人掌以其經之學教國子周易尚書毛詩左氏春秋禮記為五經論語孝經爾雅不立學官附中經遼國子有博士武白為上京國子博士金國子博士二人分掌教授生員考藝業元國子學博士二人掌教授生徒考較儒人著述教官所業文字大德間尚野誨人先經學而後文藝每謂諸生曰學未有得徒事華藻若持錢買水所取有限能自鑿井及泉而汲之不可勝用蒙古國子學博士二人明國子監所屬博士廳五經博士五人洪武中趙傲除國子博士既教胄子隨扣輒應莫不樂得經師帝一日御奉天殿傲

欽定續文獻通考之例附載於國子監

助教唐置五人掌佐博士分經教授宋置正錄各五人

遼國子學有助教金置二人女真漢人各一人教授四人元置

四人學正二人學錄二人蒙古國子學助教二人教授

二人正錄各二人明六堂助教十五人率性修道誠心正義崇志廣業

學正十人學錄七人南京國子監助教六人學正五人

學錄二人太學博士唐置六人助教六人掌教五品

以上及郡縣公子孫從三品曾孫為生者五分其經以

為業每經百人宋太學博士十人舊係國子監直講元豐三年詔改為太學

博士每武學博士二人金太學博士四人大安二年助

教四人元明所置博士皆不分國子學太學廣文館

唐置博士四人助教二人掌領國子學生業進士者宋

遼金元明皆不置四門館唐置博士六人助教六人

直講四人掌教七品以上侯伯子男為生及庶人子為

俊士生者元和韓愈再為四門博士才高數詘官又

調國子直講下遷乃作進學解以自喻又歸崇敬擢明經

典科對策乃遷四門博士律學唐置博士三人助教

一人掌教八品以下及庶人子為生者律令為顯業兼習格式法例宋置律學博士一人正一人書學唐置

博士二人助教一人掌教八品以下及庶人子為生者石經說文字林為顯業兼習餘書唐以後即無算學唐置博士二人助教一人掌教八品以下及庶人子為生者三分其經以為業宋元豐七年詔四選命官通算學者許於吏部就試其合格者上等除博士中次次為學諭隸太史局崇寧三年令附於國子監大觀三年太常寺考究以黃帝為先師自常先力牧至周王朴以上從祀凡七十人四年仍併入太史局宣和二年詔並罷官吏以後即無

朴作朴

軍器監

丞

主簿

甲坊署

弩坊署

唐制軍器監一人掌繕甲弩以時輸武庫宋初戎器之職領於三司胄曹案官無專職熙寧六年廢胄曹乃按唐令置監以從官總判元豐官制行始置監一人少監一人監掌監督繕治兵器什物以給軍國之用少監為之貳凡利器以法式授工徒其弓矢干戈甲冑劍戟戰守之具因其能而分任之量用給材旬會其數以考程課而輸於武庫遠不設軍器監其北面官有五治官八坊內有軍器坊金軍器監有監少監等官掌修治邦國

有五治官字刪

戎器之事元至元五年立軍器監二十年改為武備監二十一年改監為寺設卿四人同判六人少卿四人掌繕治戎器兼典受給明軍器局大使一人副使二人屬工部凡造軍裝兵械虞衡司同兵部省之兵部武庫司掌之南京工部所屬亦有軍器局大使一人丞唐置一人宋置二人元祐三年省一人紹聖中復置金亦有之元武備寺丞四人主簿唐置一人宋因之金置直長二人元武備寺經歷一人知事一人照磨兼提控案牘一人承發架閣庫管勾一人甲坊署唐置令一人

丞一人掌出納甲冑綬繩筋角雜作及工匠宋置東西作坊掌造兵器旗幟戎帳什物辨其名色謹其繕作以輸於受藏之府兵校工匠其役有程視精麤利鈍以為之賞罰金置軍器庫有使副使等官掌收支河南一路并在京所造常課橫添和買軍器甲坊署亦設令丞直長等官泰和四年廢元壽武庫提點二人大使四人副使四人利器庫提點三人大使二人副使二人通掌隨路軍器廣勝庫達魯花赤大使副使各一人掌平陽太原等處歲造兵器以給北邊征戍軍需大同路軍器人匠提

壽武庫下提點之四
人刪利器庫下提點之
軍器刪
廣勝上加注詳見衛尉司

舉司達魯花赤提舉同提舉副提舉各一人豐州甲局
院長一人應州甲局院長一人平地縣甲局院長一人
山陰縣甲局院長一人白登縣甲局頭目一人平陽路
軍器人匠提舉司達魯花赤提舉同提舉副提舉各一
人絳州甲局大使一人太原軍器人匠局達魯花赤局
使副使吏目各一人保定軍器人匠提舉司達魯花赤
提舉同提舉副提舉各一人河間甲局院長一人忻州
安平縣甲局院長一人真定路軍器人匠提舉司達魯
花赤提舉同提舉副提舉各一人冀州甲局院長一人

汴梁路下加設官並同
軍器局副一人刪

懷孟河南等路軍器人匠局局使一人局副一人汴梁
路軍器局局使一人局副一人常課甲局院長一人彰
德路軍器人匠局大使一人副使一人大名軍器局大
使一人副使一人上都甲匠提舉司提舉同提舉副提
舉各一人興州白局子甲局院長一人興州千戶寨甲
局院長一人松州五指厓甲局院長一人松州勝安甲
局院長一人蓋州甲局局使一人奉聖州軍器局大使
一人副使一人蔚州軍器人匠提舉司達魯花赤提舉
同提舉副提舉各一人宣德府軍器人匠提舉司達魯

蓋州上加遼河等處人
匠提舉司達魯花赤一
人提舉一人同提舉一人

薊州甲匠提舉司下連魯
二人俱刪加 設官並同

汝寧府下軍器局刪
陳州下軍器局刪
許州上加 各局設官並同

花赤提舉同提舉副提舉各一人廣平路甲局院長一
人東平等路軍器人匠提舉司達魯花赤提舉同提舉
副提舉各一人通州甲匠提舉司達魯花赤提舉同提
舉副提舉各一人薊州甲匠提舉司達魯花赤提舉同
提舉副提舉各一人欠州武器局大使一人副使一人
大都甲匠提舉司達魯花赤提舉同提舉副提舉各一
人大寧路軍器人匠提舉司達魯花赤提舉同提舉副
提舉各一人歸德府軍器局院長一人汝寧府軍器局
院長一人陳州軍器局院長一人許州軍器局亦有長

隆興路下加設官並同
軍器之二人刪

使副使咸平府軍器人匠局達魯花赤大使副使各一
人隆興路軍器人匠局達魯花赤大使副使各一人平
灤路軍器人匠局大使一人副使一人 弩坊署唐置
令一人丞一人掌出納矛稍弓矢排弩及鏃雜作及工
匠宋置作坊物料庫掌收鐵錫羽箭油漆之屬皮角場
掌收皮革筋角以供作坊之用遼北面官有弩手軍詳
穩司掌強弩之事金利器署本都作院興定二年改為利器署有令丞
直長等官掌收弓弩刀槊之屬元置辨驗弓官二人辨
驗筋角翎毛等官二人豐州弓局使一人賽甫丁弓局

頭目一人陵州箭局頭目一人懷孟路弓局院長一人
汴梁路軍器局掌課弓局院長一人益都濟南箭局局
使一人遼蓋弓局大使一人副使一人大都箭局大使
一人副使一人大都弓匠提舉司達魯花赤提舉同提
舉副提舉各一人雙搭弓局大使一人副使一人成吉
里弓局大使一人副使一人通州弓局院長一人大都
弦局大使一人副使一人

都水使者

丞

主簿

舟楫署

河渠署

唐制都水監使者二人掌川澤津梁渠堰陂池之政總

河渠諸津監署凡漁捕有禁既田自遠始先稻後種渠
長斗門長節其多少而均焉府縣以官督察宋初隸三
司河渠案嘉祐三年始專置監以領之判監事一人以
員外郎以上充同判監事一人以朝官以上充置局於
澶州號曰外監元豐官制行置使者一人掌中外川澤
河渠津梁堤堰疏鑿浚治之事凡治水之法以防止水
以溝蕩水以澮瀉水以陂池潴水凡江河淮海所經都
邑皆頒其禁令視汴洛水勢漲涸增損而調節之凡河
防謹其法禁歲計筭捷之數前期儲積以時頒用各隨

其所治地而任其責興役以後月至十月止民功則隨其先後毋過一月若導水溉田及䟽治壅積為民利者定其賞罰凡修堤岸植榆柳則視其勤惰多寡以為殿最遼南面都水監有太監少監金都水監街道司隸焉置司監掌川澤津梁舟楫河渠之事興定五年兼管勾漕運事又有少監兼漕事少監又置分治監專規措黃沁河衛州元都水監置都水監二人少監一人掌治河渠并隄防水利橋梁牐堰之事至正六年以連年河決為患置河南山東都水監以專䟽塞之任八年河水為

患詔於濟寧鄆城立行都水監九年又立山東河南等

處行都水監又有都水庸田使司置庸田使二人副使

二人僉事一人至元二年置於平江既而罷之至五年復立十二年因海運不通京師闕食詔

河南窪下水泊之地置屯田八處於汴梁添立都水庸田使司又置都總制庸田使司

又都總制庸田使二人副使二人僉司六人至正十年置於河南

江北等處明水利之事掌於工部都水司丞唐置二人掌

判監事凡京畿諸水因灌溉盜費者有禁水入內之餘

則均王公百官宋置二人參領監事遼南面都水監亦

有監丞金置二人又置掾正掌與丞同元亦置二人

主簿唐置一人掌運漕漁捕程會而糾舉之宋置一人
遼亦有之金無主簿置勾當官四人准備分治監差委
元置經歷一人知事一人舟楫署唐置令一人丞二
人掌天下津濟舟梁宋舟楫之政掌於工部水部遼金
元明俱不設專官河渠署唐置令一人丞二人掌河
渠陂池隄堰魚醢之事凡溝渠開塞漁捕時禁皆頒之
饗宗廟則供魚鮓祀昊天上帝有司攝事則供腥魚日
供尚食及給中書門下歲供諸司及東宮之冬藏渭河
三百里內漁釣者五坊捕治之供祠祀則自便橋至東

瀘溝作盧溝

渭橋非供祠不採魚宋不設河渠署水土之產掌於工
部虞部金都巡河官掌巡視河道修完堤堰栽植榆柳
凡河防之事分治監巡河官同此其瀘溝崇福上下埽
都巡河兼石橋使通濟河節巡官兼建春官地分河道
諸都巡河官掌提控諸埽巡河官散巡河官凡二十
六埽黃
汴都巡河官下六處河陰雄武滎澤原武陽武延津各
設散巡河官一人黃沁都巡河官下四處懷州孟津孟
州城北各設黃沁散巡河官一人衛南都巡河官下四
處新鄉崇福上崇福下衛南淇上散巡河官各一人滑

濬都巡河官下四處武城白馬書城教城散巡河官各
一人曹甸都巡河官下四處東明西隄孟華陵城散巡
河官各一人曹濟都巡河官下四處定陶濟北寒山金
山散巡河官各一人諸埽物料場官掌受給本場物料
分治監物料場官同此惟崇福上下埽物料場官與當
界官通管收支南京延津渡河橋官兼譏察事管勾一
人同管勾一人掌橋船渡口譏察濟渡給受本橋諸物
等事元大都河道提舉司提舉一人同提舉一人副提
舉一人明運河之官以封疆大吏兼之北運河以保定

巡撫兼管河道黃河以河南巡撫兼管河道東河以山
東巡撫兼管河道並督理營田互見御史臺運河又以總督
漕運總兵官兼理河道

